

# En minge Auge

Musik & Text Björn Heuser / Verlag: HEUSERMUSIK, GMO Publishing

---

Wann kütt der Bus, welche Bus,  
man, ich muss doch flöck noh Huss,  
wenn der Klein us der Schull kütt,  
muss ich doheim sinn.

Oder es hä nit schon jroß,  
längs ald fott vun ze Huss,  
ach ich kann et ech nit ligge,  
wenn Jedanke su zerspringe.

**Un sinn do Frogezeiche en minge Auge,  
un weiß ich nit mieh, wo ich hinjehüür,  
kann ich minger Jedanke nit mieh traue,  
jo dann, dann wünsch ich mir,  
sidd nett met Respek, ich kann nix dofür.**

Ben ich traurig oder fruh,  
wä es dat em Speejel do?  
Et es schön su leich ze sinn,  
ohne Ballass op minger Siel.

Do sääs ming Auge wöre leer,  
ich saach erinnere fällt schwer,  
doch ben ich us Fleisch un Bloot,  
schläät noch e Hätz en minger Bruss.

**Un sinn do...**

Hey Benni, wenn ich irjendwann nit mieh weiß, wä ich ben,  
sulls do wisse, mi Levve wor ech schön.  
Un steihs do vür mir, wenn ich dich nit erkenn,  
dann weiß do, do bes deef en mingem Hätze drin,  
janz ejal, wo ich ben.